

समा. 09.20 Hrs

Headlines

- प्रधानमंत्री नरेन्द्र मोदी होरें नौजवानें गी विकसित भारत Quiz च हिस्सा लैने लेई प्रोत्साहित कीता।
- मुख्यमंत्री उमर अब्दुल्ला होरें घरें-मकानें दे कराएं सरबन्धी जम्मू-कश्मीर Rent Authority बिल विधानसभा च पेश कीता।
- केन्द्री मंत्री डाक्टर जितेन्द्र सिंह होरें कठुआ च अपनी किस्मै दे पैहले-पैहले BioNest Incubator दा उदघाटन कीता।
- उड़ान स्कीम तैहत किशतवाड़ च प्रस्तावित ब्हाई अड्डे दे निर्माण दी स्थिति दा जायजा लैने लेई इक उच्ची सतह दी 5 मिम्बरी वशेष केन्द्री टीम अज्ज किशतवाड़ पुज्जा रदी ऐ।
- जम्मू-कश्मीर सरकार नै गरीब परोआरें दी कुड़ियें आस्तै ब्याह सहायता योजना तैहत रखी गेदी शैक्षणिक योग्यता आली बंदिशें गी 31 मार्च 2028 तगर लेई हटी दिता ऐ।

<><><><><><>

PM -Youth

प्रधानमंत्री नरेन्द्र मोदी हों देश दे नौजवानें गी विकसित भारत Quiz Competition च हिस्सा लैने दा आग्रह कीता ऐ।

इक सोशल मीडिया पोस्ट च प्रधानमंत्री होंरें गलाया जे दुआ विकसत भारत युवा नेतृत्व संवाद मुख्खै दे नौजवानें लेई देश दे निर्माण च योगदान देने दा शानदार मौका ऐ। इच्छुक मेदवार इस महीने दी 31 तरीक तगर इस प्रतियोगिता च हिस्सा लेई सकदे न ते एह प्रतियोगिता अगले बरे 10 शा 12 जनवरी तगर आयोजित कीती जाग।

<><><><><><>

CM-Rent Bill

मुख्यमंत्री उमर अब्दुल्ला होंरें घरें-मकानें दे कराएं सरबंधी जम्मू-कश्मीर Rent Authority Bill 2025 गी कल विधानसभा च पेश कीता। बिल गी सदन पटल पर रखदे होई मुख्यमंत्री होंरें आखेया जे एहदे तैहत किराएं सरबंधी प्राधिकरण बनाया जाहग जेहदे कन्नै सम्पतियें गी कराए पर देने दी प्रक्रिया दे कन्नो-कन्नी मकान मालकें ते कराएदारें दौने दे अधिकारें दी राक्खी बी होग ते सरबंधत मुद्दें गी हल करने लेई इक तेज प्रक्रिया यकीनी बनोग। मुख्यमंत्री होंरें आखेया जे इस बिल गी सरकारी गजट दे विशेष संस्करण च प्रकाशित कीता गेदा ऐ। मुख्यमंत्री हुंदे आसेया Rent Authority Bill पेश करने मगरा स्पीकर अब्दुल रहीम राधार होंरें वचार-वमर्श लेई बिल गी सदन अगगे रखेया।

<><><><><><>

CM –JKSSB

विधानसभा च कल इक सोआलै दा लिखित परता दिंदे होई मुख्यमंत्री उमर अब्दुल्ला होंरें दसेया जे बरे 2025 च हूने तगर 2 जहार 415 असामियां JKSSB गी भेजियां गेइयां न। उनें दस्सेया जे सरकार बक्ख-बक्ख मैहकमे दे भर्थी प्रक्रिया च तेजी आनने लेई ठोस उपा करा रदी ऐ तां जे असामियें गी समे-सिर JKSSB गी भेजेया जाई सकै। मुख्यमंत्री होंरें भर्थी प्रक्रिया च पारदर्शिता, निरपक्खता ते रमानदारी बनाई रखने लेई सरकार दी वचनबद्धता गी इक बारी फही पक्का कीता।

<><><><><><>

Jitender –Bio NEST

केन्द्री मंत्री डाक्टर जितेन्द्र सिंह होंरें कल कठुआ जिले दे घाटी च उत्तर भारत दे पैहले औद्योगिक Bio-Technology पार्क च अपनी किस्मै दे पैहले-पैहले BioNEST Incubator दा उदघाटन कीता। डाक्टर सिंह होंरें आखेया जे इस ध्याड़े गी कठुआ ते पूरे जम्मू खिते आसेया वैज्ञानिक नवाचार ते आर्थिक प्रगति दे इक नमें युग दी शुरुआत दे तौरा पर चेता रखेया जाहग।

CSIR-IIIM जम्मू आसेया आयोजित कार्यक्रम च अपने सम्बोधन दौरान बोलदे होई मंत्री होरें आखेया जे इस सुविधा कन्नै मकामी नौजवानें गी इक नमां नजरिया विकसित करने दे मौके हासल होगंन। मगरा मीजिया आलें कन्नै गल्ल करदे होई डाक्टर सिंह होरें आखेया.....

<><><><><><>

DIV. Com –Darbar Move

जम्मू दे डिविजनल कमीशनर रमेश कुमार होरें कल दरबार गी श्रीनगर थमां जम्मू आनने गितै कीती जा रदी तयारियें दी समीक्षा कीती। इस दौरान उन्हें सरकारी अधिकारियें ते मुलाजमें दे रौहने दी बवस्था दा बी जायजा लैता। बैठक च JMC कमीशनर, डी.सी. जम्मू, राष्ट्रीय राजमार्ग सरबन्धी प्राधीकरण दे क्षेत्रीय अधिकारी, ट्रैफिक दे DIG, सेहत सेवाएं दे डायरेक्टर ते होरनें मुतलका मैहकमे दे अधिकारियें हिस्सा लैता। डिव.कॉम होरें इस दौरान सिविल सचिवालय ते सरकारी रिहायशी क्वार्टरें च Estate Director हुंदे आसेया कीते गेदे इंतजामें दा बी जायजा लैता, तां जे इत्थे आवा रदे मुलाजमें गी रौहने-बौहने च कुसै बी चाली दी परेशानी नई झल्लनी पैवै।

<><><><><><>

Prog. Announcement

आकाशवाणी जम्मू दे क्षेत्रीय समाचार एकांश आस्सेया “स्वच्छ भारत मिशन ग्रामीण” बारे 25 मिन्टे दी इक विशेष परिचर्चा 30 अक्टूबर दपैहरी 12 बजे प्रसारित कीती जाग। एह कार्यक्रम स्वच्छता पखवाड़ा -2025 दे समापन दे सरबन्धै च ऐ। इस कार्यक्रम च साड़े परौहने होगंन Rural Sanitation Jammu दे डिप्टी डायरेक्टर जहीर अब्बास जेड़े इस पर अपने माहिराना विचार सांझा करंगन। उन्दे कन्नै गल्ल करगंन समाचार कक्ष थमां श्रूति खजूरिया। इस कार्यक्रम गी तुस आकाशवाणी जम्मू थमां Medium Wave 303 मीटर यानि 990 Khg. ते FM 100.3 Mhz पर सुनी सकदे ओ।

<><><><><><>

Kishtwar-Airport

भारत सरकार दे सिविल हवाबाजी मंत्रालय ते भारती ब्हाई अड्डा प्राधिकरण आसेआ 5 मिम्बरी उच्ची सतह दी बशेष टीम उड़ान स्कीम तैहत किशतवाड़ च ब्हाई अड्डा विकसित करने बारे प्रस्ताव दी स्थिति दा जायजा लैने लेई अज्ज किशतवाड़ पुज्जा रदी ऐ। ए टीम कल तगर इलाके दा जायजा लैग ते सरबन्धी संभावनाएं दा पता लाग। आकाशवाणी जम्मू संवाददाता दी रिपोर्ट मुजब 5 मैम्बरी ए टीम अपनी रिपोर्ट सिविल हवाबाजी, भारत सरकार ते भारतीय हवाई अड्डा प्राधिकरण गी सौपोंग। दिल्ली परतोने पर अपनी रिपोर्ट आला अधिकारिणं गी सौपोंग जेहदे मगरा अगगे दी रूप-रेखा तय कीती जाहग।

<><><><><><>

Marriage Asstt Scheme

जम्मू-कश्मीर सरकार नै गरीब परोआरें दी कुडियें लेई ब्याह सहायता योजना दा लाह हासल करने लेई रखी गेदी शैक्षणिक योग्यता आली बंदिशें गी हटाई दिता ऐ। समाज कल्याण मैहकमे आसेया जारी इक हुकमै मूजब हून इस योजना दा लाह हासिल करने आस्तै घट्टो-घट्ट 8मी पास आली अनिवार्यता गी 31 मार्च 2028 तगर हटाई लैता गया ऐ। मुख्मन्त्री उमर अब्दुल्ला होरें इक सोशल मीडिया पोस्ट पर घोषणा करदे होई आखेया जे शैक्षणिक मानदंडे च कीते गेदे बदलावें कन्नै हून सब्बै योग्य लाभार्थी बिजन कुसै बंदिश दे इस योजना तैहत माली मदाद हासल करी सकदे न।

<><><><><><>

EC Observes Nagrota

नगरोटा विधान सभा हलके लेई होने आहले उपचुनाएं लेई दूर-दरेडे ते पच्छेत्रे इलाकें च कायम मतदान केन्द्रें दा चुनां निगरानें आस्सेया दौरा लाया गया। इस टीम च आम निगरान कुणाल Silku, Avinash कुमार पुलस निगरान ते आशिश यादव खर्च सरबन्धी निगरान शामिल हे। इनें निगरानें मुकामी लोकें ते अफसरें कन्नै गल्ल कीती।

टीम नै ARO, पुलस ते होरनें अफसरें दी चिंताएं दा मौके पर गै नबेड़ा कीता। इनें मामले च लोड़चदी बिजली, पीने आहले पानी दी सुविधा ते मतदान केन्द्रें पर Ramps दी उपलब्धता शामिल ही। इस दौरान खास करी ध्यान मतदाताएं च मतदान बारे जागरूकता पैदा करने पर दिता गया।

<><><><><><>

Speaker –Chairman

विधानसभा दे स्पीकर अब्दुल रहीम राथर होरें कल इस्सलै जारी असैम्बली इजलास लेई चैयरमैन दे पैनल दी घोषणा कीती। स्पीकर होरें ईदगाह थमां विधायक मुबारक गुल, Central Shalteng थमां MLA तारिक हमीद करी ते जम्मू नार्थ थमां विधायक शाम लाल शर्मा होरेंगी अध्यक्ष दे तौरा पर नामजद कीता।

<><><><><><>

Rajouri Recog.

राजौरी जिले दे Khawas ब्लाक आकांक्षी ब्लॉक तैहत नीति आयोग आस्सेआ वाराणसी च आयोजित उत्तर भारत दे रीजनल बेस्ट प्रैक्टिसिज़, सेमीनार च विशेष पंछान दर्ज कराई ऐ। जिले दी नुमायंदगी करदे होई उत्थूं दे जिला सटैटिक्स ते इवेलवेशन अफसर संदीप कुमार शर्मा होरें शैक्षणिक क्षेत्र च खच्वास ब्लाक च बेहतर तौर तरीके दे इस्तेमाल ते अमलावरी बारे इक पेशकारी दिती। इस दौरान ब्लाक गी पैहले दरपेश मुश्कलें ते सफलतापूर्वक हल, केन्द्र प्रायोजित स्कीमें PMGSY, SBM-G ते समग्र शिक्षा अभियान बारे जानकारी दिती जे कियां इन्दे कन्ने जमीनी सतह पर बेहतरी होई ऐ।

<><><><><><>

Civil –Military Fusion

Civil Military Fusion Capsule तैहत जम्मू खिते दे सुचेतगढ़ सैक्टर च बी.एस.एफ दी Octroi पोस्ट पर इक खास कार्यक्रम दा सरिस्ता कीता गया।

इसदा मकसद प्रतिभागियें गी बी.एस.एफ दे बारे च पूरी जानकारी देना, बी.एस.एफ दी भूमिका, बन्ने दी सुरक्षा, ओदे मुजब होरनें दुए बलें ते सुरक्षा एजेंसियें कन्ने तालमेल बनाना वगैरा बारे दस्सना-दसाना हा। प्रतिभागियें च भारतीय सेना, बी.एस.एफ, सी.आर.पी.एफ. खूफिया ब्यूरो ते जम्मू-कश्मीर पुलिस दे अफसर शामिल हे। दौरे दौरान बी.एस.एफ आसेया बन्ने दी निगरानी, घुसपैठ रोधी तौर-तरीके ते प्रबंधन सने बन्ने आहले इलाकें दे लोकें दियें समस्याएं दे हल च उन्दी भूमिका बारे बी प्रतिभागियें गी दसेया गया।

<><><><><><>